

Ilanngussaq 2

Tusarniaanermiit akissutit tulliuuttoq pillugu, Uunga siunnersuut: Naartunermi, erninermi meeravissiartaarnermilu sulinngiffeqartarneq pillugu Inatsisartut inatsisaat nr. xx, xx. xxx 2020-imeersoq

Siunnersuut novembarip allaqqataaniit 29-anut 2019-imi tusarniaassutigineqarsimavoq. Tamassumalu saniatigut piffissami pineqartumi tusarniaassutigineqartoq tamanut tusarniaanernut atorneqartartumi www.naalakkersuisut.gl -ikkut saqqumisimalluni.

Aallaqqasiut:

Tusarniaanermi teknikkimut aammalu oqaatsitsigut amigaatitigullu kukkunerusunut attuumassuteqartut iliuuseqarfingeqaqqigatik siunnersuummi aaqqiiffingeqarsimapput. Tusarniaanermi imarisatigut oqaaseqarfingeqartut ataatsimut allaaserineqarsimapput naalakkersuisoqarfiullu oqaaseqaatai uingasumik allanneqarsimallutik.

Siunnersuut pillugu:

Siunnersuut siullermik sapaatit akunneri tallimat tamanut tusarniaassutigineqarsimapput 2019-imi apriliip qulinganiit 2019-imi maajip 15-ianut.

Tusarniaanermiit akissutigineqarsimasut aallaavigalugit siunnersuummi assigiinnitsunik allannguisoqarsimavoq maannakkullu siunnersuutigineqartoq pitsaanerusumik suliarineqarsimalluni. Taamaattumik siunnersuut tusarniaassutigineqaqqissimavoq, siunnersuummi allannguutigineqartut kiisalu tusarniaasoqqaarnerannit allannguinerit oqaaseqarfingeqarsinnaaniassamata.

Siullermik tusarniaasoqarneranit akissuteqartut pillugit allakkiaq ilanngunneqarsimavoq. Tassanilu tusarniaanermiit akissutit ataatsimut allaaserineqarsimapput, tusarniaavigineqartullu oqaaseqaataat siunnersuummi qanoq allannguisimanersoq ersersinneqarsimalluni.

Naatsorsuutigisat malillugit siunnersuut 2020-mi upernaakkut ataatsimeersuartoqarnissaanni saqqummiunneqassangatinneqarpoq.

Tusarniaasoqarneranit siullermit allannguutit annertuut tassaapput:

- Sulinngiffeqarneq meerartaarneq sioqqullugu sapaatit akunneri 2-niit 4-nut sivitsorneqarpoq.
- Ataataasup sulinngiffeqarfingisassatut pisinnaatitaaffiinik anaanaasup nulianut imaluunniit nalunaarsorneqarsimallutik aapparisaannut sulinngiffeqarsinnaanerup tunniunneqarnissaanut kommunalbestyrelsip akuersisinnaanera peerneqarpoq. Tassunga taarsiullugu “anaanaaqataasoq” allanneqarpoq, taamaalilluni arnaq meeqqamut anaanaaqataasutut nalunaarsorneqarsimasoq ataataasutulli sulinngiffeqarsinnaanermut pisinnaatitaaffeqalissamat.

- Nammingersorlutik suliffeqarfinni sulisut sulinngiffeqarnerminni akissarsiaqaannarnissaat pillugu malittarisassat kiisalu sulisitsisup utertitsivigineqarsinnaanera ersarinnerusumik oqaasertalerneqarput.
- Oqaaseq “koruunimut qummut killigititaq” “akigititap annerpaaffissaa”-nik taarserneqarpoq.
- Pisortat naligiissaarisarnissaat pillugu siusinnerusukkut aalajangersagassatut siunnersuutigineqartoq siunnersummit peerneqarpoq.
- Meerartaarnermut atatillugu sulinngiffeqarnermi ullormusiat pillugit aalajangersakkat erseqqissarneqarput. Inatsimmi pisortat ikorsiissutaannut allanut tunngassuteqartut peerneqarput, taakkuli ilitsersuummi allanneqarumaarput.
- Meerartaarnermut atatillugu sulinngiffeqarnermut aningaasaateqarfimmut suliffeqarfiit namminersortut akiliutissaanik akiliisitsiniartarneq peerneqarpoq, taannami Sulisoqarnermut akitsuut pillugu Inatsimmi malittarisassiuunneqarmat.
- Nalinginnaasumik nassuaatit erseqqinnerusumik oqaasertalersorneqarput, aningaasaqarnermullu kingunerisassat itisilerneqarput.
- Atuutilerfissaa 1. januar 2021-imut siuartinneqarpoq.

Siunnersuut tulliuttuni tusarniaassutigineqarsimavoq:

Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Ineqarnermut Attaveqarnermullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Naalakkersuisoqarfik, Isumaginninnermut Inatsisinillu Atuutsitsinermut Naalakkersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik, Aatsitassanut Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Avannaata Kommunia, Kommune Qeqortalik, Qeqqata Kommunia, Kommuneqarfik Sermersooq, Kommune Kujalleq, Kalaallit Nunaanni Nunaqarfiiit Peqatigiiffiat - Kanunupe, Isumaginninnermi Naammagittaaliuuteqartarfik, Inuit Pisinnaatitaaffii pillugit Siunnersuisoqatigiit, Naligiissitaanermut Siunnersuisoqatigiit, Institut for Menneskerettigheder, Meeqqat illersuisuat MIO, Peqatigiiffik Kalaallit Meerartaat, MIBB (Meeqqat inuunerissut), Sorlak (Kalaallit Nunaanni meeqqat inuusuttullu siunnersoqatigiiffiat), Unicef Kalaallit Nunaat, Innarlututillet illersuisuat Tilioq, INOOQAT (Kalaallit Nunaanni angajoqqaat ineriartornermikkut akornutilinnut meerallit peqatigiiffiat), Nunatsinni Inuit Innarlututillet Kattuffiat, ISI (Kalaallit Nunaanni tappiitsut isigiarsuttullu peqatigiiffiat), KTK (Kalaallit Nunaanni tusilartut peqatigiiffiat), Landsforeningen Autisme, Kalaallit Nunaat, Utoqqaat peqatigiiffiat, Angajoqqaqatigiit (Angajoqqaat meeqqanut ADHD-linnik aammalu/imaluunniit autismelinnik meerallit), Neriuffik, KNIPK (Kalaallit Nunaanni innarlututillet peqatigiiffiat), Sugisaq (Tarnikkut nappaatillit ilaaqutaasullu peqatigiiffiat), Pissassarfik – Nuna tamakkerlugu innarlutilinnut sullissivik, Kalaallit Nunaanni Røde Kors, Transparency Greenland, Sulisitsisut, SIK, IMAK (Kalaallit Nunaanni ilinniartitsisut peqatigiiffiat), NIISIP (Kalaallit Nunaanni isumaginninnermut siunnersortit ilinniarsimasut peqatigiiffiat), AK (Sulisut peqatigiiffiat), Nunatsinni Perorsaasut Kattuffiat (Sulisut peqatigiiffiat), ASG (Kalaallit Nunaanni ilinniagartuut peqatigiiffiat), Kalaallit Nunaanni peqqissaasut peqatigiiffiat, KNAPK, Savaatillit Peqatigiiffit Suleqatigiissut, Kalaallit Nunaanni Politiit, Pinerluttunik isumaginnittooqarfik, Kalaallit Nunaanni

Eqqartuussivik, Nunatsinni advokatit, Kalaallit Nunaanni illersuisuuneq, Naalagaaffiup Sinniisoqarfia, Moderniseringsstyrelsen.

Tulliuttut tusarniaanermiit akissuteqarput:

Pinngortitamut Avatangiisinullu Naalakkersuisoqarfik, Aningaasaqarnermut Naalakkersuisoqarfik, Ineqarnermut Attaveqarnermullu Naalakkersuisoqarfik, Peqqissutsimut Naalakkersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik, Ilinniartitaanermut Kultureqarnermut Ilageeqarnermullu Naalakkersuisoqarfik, Kommune Qeqertalik, Qeqqata Kommunia, Kommuneqarfik Sermersooq, Isumaginninnermi Naammagittaalliuuteqartarfik, Institut for Menneskerettigheder, Meeqqat illersuisuat MIO, KNIPK (Kalaallit Nunaanni innarluutillit peqatigiiffiat), Sulitsisut, IMAK (Kalaallit Nunaanni ilinniartitsisut peqatigiiffiat), ASG (Kalaallit Nunaanni ilinniagartuut peqatigiiffiat), Kalaallit Nunaanni peqqissaasut peqatigiiffiat, Kalaallit Nunaanni Politiit, Kalaallit Nunaanni Eqqartuussivik, Nunatsinni advokatit, Moderniseringsstyrelsen.

Tulliuttut oqaaseqaateqanngillat:

Pinngortitamut Avatangiisinullu Naalakkersuisoqarfik, Ineqarnermut Attaveqarnermullu Naalakkersuisoqarfik, Peqqissutsimut Naalakkersuisoqarfik, Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, KNIPK (Kalaallit Nunaanni innarluutillit peqatigiiffiat), IMAK, ASG (Kalaallit Nunaanni ilinniagartuut peqatigiiffiat), Kalaallit Nunaanni Politiit, Kalaallit Nunaanni Eqqartuussivik, Moderniseringsstyrelsen.

Oqaatigineqassaaq Meeqqat illersuisuat MIO tusarniaanermi siullermi ungalu akissuteqarsimammat oqaaseqaatitaqanngitsunik. Ajoraluartumilli kukkusqarneratigut Meeqqat illersuisuata tusarniaanermiit akissuteqaataa tusarniaasoqarsimanermiit siullermiit akissuteqarsimasut pillugit allakkiami ilanngunneqarsimanani.

Tusarniaanermiit akissuteqaatit:

1. Isumaginninnermi Naammagittaalliuuteqartarfik,

Tusarniaanermiit akissutit - Unga siunnersuut: Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq

Isumaginninnermi Naammagittaalliuuteqarfiup allattoqarfianinngaannit Unga siunnersuut: Naartunermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq pillugu oqaaseqaateqarsinnaatsinsinnut periarfissinneqarnitsinnut qujavuugut, akissuteqaatigullu tulliuttut maanna apuuppagut.

§ 55 pillugu

Aalajangersakkami allassimavoq Inatsisartut inatsisaat una malillugu Inatsisartut inatsisaatigut malittarisassatigulluunniit kommunalbestyrelsemi aalajanginneqartut isumaginninnermut aqtsisoqarfip oqartussaqarfiullu inatsisai atuuttut aallaavigalugit Isumaginninnermi Naammagittaalliuuteqartarfimmut naammagittaaliutigineqarsinnaapput.

Isumaginninnermi Naammagittaalliuuteqarfíup allattoqarfianinngaannit maluginiaqquarput inatsisissatut siunnersuummi § 43-mi allassimammat, qinnuteqartoq kommunit agguataarnerisa avataanni aalajangersimasumik najugallip qinnuteqaatini Naalakkersuisunut tunniutissagaa, taakkualu suliamik ingerlatsisuussasut. Kommuneqarfít avataanni najugalimmut aalajangiussaasimasoq pillugu naammagittaalliuuteqartoqassappat naammagittaalliuut Isumaginninnermi Naammagittaalliuuteqarfímmut ingerlateqqinnejqarsinnaanngilaq, tassami § 55-mi allanneqarsimagami kommunalbestyrelsemi aalajangiunneqarsimasut kisimik pineqartut.

Inatsisissatut siunnersuummi siunertaappat Naalakkersuisut kommuneqarfít avataanni aalajangersimasumik najugalik pillugu aalajangiiffigisimasaat Isumaginninnermi Naammatiggaalliuuteqarfímmut naammagittaalliuutigineqarsinnaanissa, taava siunnersuutigineqarpoq § 55-imi ima allaqqasoqassasoq:

§ 55. Inatsisartut inatsisaat una malillugu Inatsisartut inatsisaatigut malittarisassatigulluunniit kommunalbestyrelsemi Naalakkersuisuniluunniit aalajangiunneqartut isumaginninnermut aqutsisoqarfíup oqartussaqarfíullu inatsisai atuuttut aallaavigalugit Isumaginninnermi Naammagittaalliuuteqartarfímmut naammagittaalliuutigineqarsinnaapput.

Akissut: Ilannakortumik ilangunneqarsimavoq. Imm.2-mik ilangussisoqarsimavoq, tassanilu ima allassimavoq:

” Imm. 2. § 43-mi imm. 2-mi allassiamsut malillugit Naalakkersuisut aalajangigaa isumaginninnermut aqutsisoqarfíup oqartussaqarfíullu inatsisai atuuttut aallaavigalugit Isumaginninnermi Naammagittaalliuuteqarfímmut naammagittaalliuutigineqarsinnaapput.”

Taamannak allassimanerup tunngavigaa Naalakkersuisut siunnersuummi allatigut aallatut aalajangiisinnaammata, aalajangiiffigisallu tamarmik Isumaginninnermi Naammagittaalliuuteqarfímmut naammagittaalliuutigineqarsinnaanatik.

2. Qeqqata Kommunia

Illassutit tusarniaaneq una pillugu: " Uunga siunnersuut: Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq"

Inatsisissatut siunnersuummi allannguutaasimasut pillugit Qeqqata Kommunia (maannakkumiit: QK) ima oqaaseqaatissaqarpoq:

Erminnginnermi sulinngiffeqarsinnaatitaaneq sapaatit akunneri marlunninngaannit sisamanut sivitsorneqarnera

QK-ninngaannit allannguut ilalerneqarpoq.

Akissut: Oqaaseqaatitaqanngilaq, akissutigineqartutigummi siunnersuut isumaqatigineqarmat.

Ataataasup sulinngiffeqarfigisassatut pisinnaatitaaffiinik anaanaasup nulianut imaluunniit nalunaarsorneqarsimallutik aapparisaannut sulinngiffeqarsinnaanerup tunniunneqarnissaanut kommunalbestyrelsip akuersisinnaaneranut tunngasumut aalajangersagaq peerneqarsimavoq.

Tassunga taarsiullugu “anaanaaqataasoq” allanneqarpoq, taamaalilluni arnaq meeqqamut anaanaaqataasutut nalunaarsorneqarsimasoq ataataasutulli sulinngiffeqarsinnaanermut pisinnaatitaaffeqalissammatt.

QK-minngaanniit ”ataataaqataasoq” ilannguteqquneqarsimagaluarpooq imaluunniit ”angajoqqaqataasoq”-mik allassimasoq taarserneqaqqusimagaluarluni.

Akissut: Ilanngunneqanngilaq

Nalinginnaasumik oqaaseqaatini imm. 2.6-im i allassimasut malillugit inatsisitigut angajoqqaat assigiinngitsumik suaassusillit imaluunniit angajoqqaat arnaannaasut sulinngiffeqarsinnaanerannik sinaakkusissoqarpoq.

Tassunga peqqutaavoq ernisoqarnerani arnamik ernisoqartuaannarnissaa, tassungalu atatillugu pineqartoq meeqqap inunngornerani inatsisitigut angajoqqaajusutut pineqartoq allanneqartariaqarluni. Meeravissiartaarnissamut inatsisit malillugit meeqqap angajoqqaavi meeqqap pingasunik qaammateqalinnginnerani meeravissianngortinnissaanut akuersissummik tunniussisinnaanngilaq. Taamaasilluni ataataasup aapparisaa angut anaanaasup erninermirut atatillugu pisinnaatitaaffianik tigusisinnaanngilaq. Inatsisissatummi siunnersummi siunertaanngilaq angajoqqaat pingasut erninermusiaqarnissaminnut pisinnaatitaaffilernissaat.

Namminersorlutik suliffeqarfinni sulisut sulinngiffeqarnerminni akissarsiaqaannarnissaat pillugu malittarisassat kiisalu sulisitsisup utertitsivigineqarsinnaanera ersarinnerusumik oqaasertalerneqarput.

QK oqaaseqaateqanngilaq.

Oqaaseq ”koruunimut qummut killigititaq” ”akigititap annerpaaffissaa”-nik taarserneqarpoq. QK-minngaanniit allannguut ilalerneqarpoq.

Pisortat naligiissaarisarnissaat pillugu siusinnerusukkut aalajangersagassatut siunnersuutigineqartoq siunnersuummit peerneqarpoq.

QK oqaaseqaateqanngilaq.

Meerartaarnermut atatillugu sulinngiffeqarnermi ullormusiat pillugit aalajangersakkut erseqqissarneqarput. Inatsimmi pisortat ikorsiissutaannut allanut tunngassuteqartut peerneqarput, taakkuli ilitsersummi allanneqarumaarpuit.

QK -minngaanniit allannguut ilalerneqarpoq.

Meerartaarnermut atatillugu sulinngiffeqarnermut aningasaateqarfimmuit suliffeqarfiiit namminersortut akiliutissaanik akiliisitsiniartarneq peerneqarpoq, taannami Sulisoqarnermut akitsuut pillugu Inatsimmi malittarisassiunneqarmat.

QK oqaaseqaateqanngilaq.

Nalinginnaasumik nassuaatit erseqqinnerusumik oqaasertalersorneqarput, aningaasaqarnermullu kingunerisassat itisilerneqarput.

QK -minngaanniit allannguut ilalerneqarpoq.

Atuutilerfissaal 1. januar 2021-imut siuartinneqarpoq.

QK -minngaanniit allannguut ilalerneqarpoq.

Akissut: Oqaaseqaatitaqanngillat, akissutigineqartutigummi siunnersuutit isumaqatigineqarmata.

3. Kommune Qeqertalik

Tusarniaanermiit akissutit una pillugu.: Naartunermi, erninermi meeravissiartaarnermilu sulinngiffeqarneq pillugu" pisortatigoortumik tusarniaasoqaaqqinnera.

Kommune Qeqertalik siunnersuutigineqartutut nassiussap imarisaa ilalerpaa, imatullu oqaaseqaatissaqarpugut:

Isumaginninnermut Inatsisinullu Atuutsitsinermut Naalakkersuisoqarfimmit siunnersuutaasimasoq malillugu Kommune Qeqertalimminngaanniit nalinginnaasumik angajoqqaajusut meeqqap inunngornerata kingorna angerlarsimaffimmut allamut inissiisoqarneranut aammalu/imaluunniit meeqqap inunngoqqammernermi toqunerata kingorna sulinngiffeqarsinnaaneranut attuumassusillit amigaatigineqarput.

Akissut: Siunnersuummi meeqqanut angajoqqaajusunut meeqqap angerlarsimaffimmut allamut inissinnejarneranut inunngoqqammernerullu kingorna toquneranut atatillugu sulinngiffeqarsinnaaneri allannguiffigineqanngillat.

§ 16-imi allassimavoq §§ 3-mi, 7-mi 9-milu sulinngiffeqarsinnaanermut pisinnaatitsissut atorunnaarsinnejqarsinnaaneq ajorpoq meeraq toqungalluni inunngorsimappat, allamut meeravissiassanngortinneqarsimappat imaluunniit meeqqat illersorneqarnissaat pillugu Inatsisartut inatsisaat malillugu meeraq angerlarsimaffiup avataanut inissinnejqarsimappat imaluunniit meeraq inunngortoq inunngornerminiit sapaatit akunnerit 15-init 19-inilluunniit iluini toqusimappat.

Ersarinnerusumik nassuaat ilitsersuusiornermi ilanngunneqarumaarpoq.

4. MIO

MIO-minngaanniit Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq pillugu tusarniaasoqaaqqinnerani akissutit

Meeqqap illersuisuata 2019-imi novembarip aallaqqaataa Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq pillugu tusarniaasoqaaqqinneranut paasissutissat pissarsiarisimavai.

Meeqqap illersuisuaninggaanniit tusarniaanermut akissuteqarsinnaaneq qujassutigineqarpoq.

Meeqqat illersuisuata maannakkumut tusarniaanermiit akissutigineqarsimasut aallaavigalugit takusinnaavaa tusarniaaffigineqarsimasut akissuteqarsimasullu akornanni MIO allassimanginnera. Meeqqat illersuisuata Siunnersuut uunga: Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersup tusarniaassutigineqarnerani akissuteqaatini maajip 15-ianeersut innersuussiffigivai (ilanngussatut kakkiunneqarpoq).

Oqaaseqaatit

Meeqqat illersuisuata nuannaarutigivaa inatsisissatut siunnersuutip tusarniaassutigineqarnerata kingorna oqaaseqaatigineqarsimasut malillugit aaqqissuussisoqarsimanera.

Meeqqat illersuisuat tusarniaassutigineqartunut allanik oqaaseqaatissaqanngilaq.

Akissut: Naalakkersuisoqarfimminngaanniit ajuusaarutigaarpuit Meeqqat illersuisuata siullermeeluni tusarniaasoqarnerani akissuteqaataat ilanngunneqarsimannginneri. Meeqqat illersuisuata ilassuttit oqaaseqaatigisimasai allannguisitsisimanngillat.

5. Inuit Pisinnaatitaaffii pillugit Siunnersuisoqatigiit:

SIUNNERSUUMMUT NAARTUNERMI, ERNINERMI MEERA VISSIARTAARNERMILU SULINNGIFFEQARNEQ PILLUGU INATSISARTUT INATSISSAAT NR. XX. XXX 2019-IMEERSUP TUSARNIAASSUTIGINEQAQQINNERANIT AKISSUTEQAATIT

Inatsisartut inatsisissaattut siunnersuutip Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersup tusarniaassutigineqarnerani Isumaginninnermut Inatsisinillu Atuutsitsinermut Naalakkersuisoqarfiup Inuit Pisinnaatitaaffii pillugit Siunnersuisoqatigiinnut oqaaseqaateqartoqassanersoq tusarniaasoqarsimavoq.

Siunnersuut siornatigut 2019-imi apriliip 10-aniit maajip 15-ianut tusarniaassutigineqarnikuuvq, Siunnersuisoqatigiillu maajip 15-iat 2019 tusarniaanerminut akissuteqaatini nassiussimallugu. Naalakkersuisoqarfimminngaanniillu missiliut siulleq allanngortiterneqarsimanera peqqutaalluni missiliut nutaaq tusarniaassutigineqarpoq.

Siunnersuisoqatigiinninngaanniit suli nuannaarutigineqarpoq erninermut atatillugu sulinngiffeqartarerup pitsangorsaavagineqarnissaanut inatsisitigut allannguisoqarniarnera. Siunnersuisoqatigiinniillu aamma nuannaarutigineqarpoq missiliummi nutaami naartunermut atatillugu suinngiffeqarsinnaatitaanermut aalajangersakkat ersarissarneqarsimaneri taamaasillunilu missiliummi § 24-imi imm. 3-mi - § 3 takuuk – allassimasut malillugit suliffigineqarsimasut naatsorsorneqalerpata naartunermut atatillugu sulinngiffeqarnerit isiginiarneqarunnaarsimaneri.

Siunnersuisoqatigiinniit tulliuttut oqaaseqaateqarfigineqarput:

FEERIAQARNERSIUTINIK KTERSINEQ

Missiliummi § 42-mi imm. 3-mi allassimavoq erninermusiaqarnerup nalaani feeriarnermusiassanik katersisoqarneq ajortoq. Novembarip aallaqqaataa 2019-imi tusarniaasoqarsimaneranit akissuteqaatit iluanni qupperneq 16-imi takuneqarsinnaavoq Naligiissinaanermut Siunnersuisoqatigiit akissuteqaateqarsimasut, taamak aalajangersaasoqarneratigut arnat ukiup tulliani feeriarnissaminut ajornerusumik inissinneqassasut, soorluttaaq tamanna aamma angajoqqaat sulinngiffeqarsinnaanermik

agguanniannerminni tamanna eqqarsaatersuuteqarfiquumaaraat. Siunnersuisiqatigiillu maajip 15-iat 2019-imi akissuteqaateqarnerminni naligiissitaaneq eqqarsaatigalugu tulluartuusorineqarsimanngitsoq, tassami arnat angutiniit amerlanerussuteqartut erninermusiaqartarmata.

Siunnersuisoqatigiinnngaanniit erninermusiaqarnerup nalaani feeriarnermusianik katersisoqartarnissaata pingaaruteqarnera naqissuseqqippaat.

Siunnersuisoqatigiit innersuussipput:

- Isumaginninnermut Inatsisinillu Atuutsitsinermut Naalakkersuisoqarfieu missilummi § 42-mi imm. 3-mi allassimasoq allannguuteqarfiquagaat, erninermusiaqarnerullu nalaani feeriarnermusiassanik katersisoqarsinnaalersitsissasut.

Akissut: Oqaaseqaatit tusaatissatut tiguneqarput, maannakkumulli siunnersuutigineqartumut allannguutigineqarnaviarnatik. Erninermusiat oqartussaqarfiqungaanniit pisartagaapput, feeriarnermusianillu katersissutaanatik.

”INATSISARTUT INATSISAAT MALILLUGU SULINNGIFFEQARNEQ

Missilummi § 24-mi imm. 3-mi nr.2-mi aammalu § 41-mi imm. 2-mi nr. 2-mi allassimavoq ”sulinngiffeqarneq” ”Inatsisartut inatsisaat una malillugu sulinngiffeqarneq”-tut paasineqassasoq. Missilummut oqaaseqaatini allassimavoq ”sulinngiffeqarneq” ima paasineqassasoq, pineqartup missilummi §§ 4-miit 6-imut allassimasut malillugit sulinngiffeqarnera. Aalajangersakkallu taakkua missilummi kapitali 1-imi allassimapput.

Siunnersuisoqatigiit siunnersuutigaa:

- Isumaginninnermjut Inatsisinillu Atuutsitsinermut Naalakkersuisoqarfieu missilummi § 24-mi imm. 3-mi nr. 2-mi aammalu § 41-mi imm. 2-mi nr. 2-mi allassimasuni ”sulinngiffeqarneq”-rup missilummi kapitali 1-imi allassimasut malillugit sulinngiffeqarnerunera ersarissassagaa

Akissut: Ilannakortumik ilanngunneqarpoq. § 24-mi imm. 3-mi nr.2-mi aammalu § 41-mi imm. 2-mi nr.2-milu allassimasuni maanna sulinngiffeqarneq pillugu allassimasuni Inatsisartut inatsisaat una atorlugu allassimalersimavoq.

ERNINERMUSIASSANUT ILLUARTITAT

Missilummi § 12-imi allassimavoq angajoqqaat ataatsimut katillugu sapaatit akunneri 21-t tikillugit angajoqqaatut sulinngiffeqarsinnaatitaasut.

Novembarip aallaqqaataa 2019-imi tusarniaanermiit paassisutissat nassiunneqartut quppernerata 12-iani atuarneqarsinnaavoq Naligiissitaanermut Siunnersuisoqatigiit eqqaasimagaat angajoqqaat immikkut sulinngiffeqarsinnaanerannut illuartitsisoqartariaqartoq, taamaasilluni suliffeqarfiit iluanni suaassutsitigut immikkoortitsisoqassanngilaq.

Siunnersuisoqatigiinnngaanniit maliginiarneqarpoq Sverigemi, Norgemi, Islandimi EU-milu angajoqqaanut sulinngiffeqarsinnaatitaanermut sulinngiffeqarsinnaatitaanerit ilaat ataataasumut anaanaaqataasumulluunniit illuartinneqartarnerat. Taamannak illuartitsioqarsinnaanerata sulinngiffeqarsinnaanerup suaassutsitigut immikkoortitsinngikkaluarluni inissinneqarsinnaavoq.

Siunnersuisoqatigiit innersuussutigaat:

- Isumaginninnermijut Inatsisinillu Atuutsitsinermut Naalakkersuisoqarfiup angajoqqaat sulinngiffeqarsinnaatitaanerat ataataasumut anaanaaqataasumullu illuartinneqarsinnaanera eqqarsaatigissaga.

Akissut: *Ilanngunneqanngilaq.*

Siunnersuummi angajoqqaat immikkut sulinngiffeqarsinnaatitaanermik immikkoortitsiffigineqareerput. Anaanaasoq erninnginermi sapaatit akunneri sisamat sulinngiffigisinnagai ernereernerullu kingorna sapaatip akunneri 15-it 19-illuunniit sulinngiffeqarsinnaatitaavoq, ernereernerullu kingorna ataataasoq anaanaaqataasorluunniit sapaatit akunneri pingasut sulinngiffeqarsinnaatitaavoq, taakkualu sapaatit akunnerini 15-ini 19-inilu siullerni atorneqartariaqarput.

Angajoqqaat sulinngiffeqarsinnaatitaanerat angajoqqaanut sorlernulluunniit illuartinneqarsimangilaq, taamaasillunilu angajoqqaat namminneerlutik nammineersinnaaffeqarput eqaatsumillu aalajangiisinnaassuseqartitaallutik.

ERNINERMUSIANUT ANINGAASAATEQARFIMMIT PAASISSUTISSANIK PISSARSISINNAANEQ

Missiliummi § 39-mi imm. 2-mi allassimavoq ”Nakkutilliiniarnermut atatillugu erninermusianut aningaasaateqarfik pillugu paasissutissat naapertuuttuusorineqartut Naalakkeruisunut tunniunneqartassapput, tassunga ilanngullugit paasissutissat inunnut attuumassuteqartut suliffeqarfiullu iluani uppermarsaataasinnaasut.”

Siunnersuisoqatigiinnngaanniit maluginiarneqarpoq siunnersuummi aalajangersakkani oqaaseqaatiniluunniit ilanngunneqarsimangitsoq paasissutissanik tunniussineq suliaqarnerluunniit Kalaallit Nunaanni inunnut paasissutissanik suliaqarnermut peqqussut nr. 1238, 14. oktober 2016-imeersumi aalajangersakkat malinnejqassasut.

Siunnersuisoqatigiit innersuussutigaat:

- Isumaginninnermijut Inatsisinillu Atuutsitsinermut Naalakkersuisoqarfiup siunnersuummi § 39-imi imm. 2-mi allassimasut pillugit oqaaseqaatini ilanngutissagaat paasissutissanik tunniussineq suliaqarnerluunniit Kalaallit Nunaanni inunnut paasissutissanik suliaqarnermut peqqussut nr. 1238, 14. oktober 2016-imeersumi aalajangersakkat malinnejqassasut.

Akissut: *Ilanngunneqanngilaq, taamaaliornermullu peqqutaavoq inatsisinut allanut innersuussuteqarnermi inatsisitigut malittarisassat malinnejqassammata.*

6. Nunatsinni advokatit

Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersussatut siunnersuutip tusarniaassutigeqqinnejqarneranut akissuteqaaatit

Nunatsinni Advokatit - Grønlandske Advokater sinnerlugit qulaani inatsisissatut siunnersuutip tusarniaassutigineqarnerani oqaaseqaatit maanna nassiunenqarput. Innersuussutigineqarpoq

tulliuttumi inatsimmi sulilernermermi ilinniarnermilluunniit aallartitsineq peqqutaalluni sulinngiffeqarsinnaatitaaneq pillugu imm. 3-mi allassimasut iluanni ersarinnerusumik allattoqarnissaa.

§ 19. §§ 3-mi, 7-mi, 9-mi, 12-imiluunniit allassimasut malillugit sulinngiffeqarsinnaatitaaneq unitsinneqarpat, sulinngiffeqarsinnaatitaanerup sinnera atorneqarsinnaajunnaartarpoq.

Imm. 2. Sulinngiffeqarsinnaatitaaneq unitsinneqartutut isigineqartarpoq, aapparisap sulinngiffeqarsinnaatitaaneq tigunagu sulinngiffeqarsinnaatitaasoq sulinerminik ilinniarnerminilluunniit aallartitseqqippat aallartitsippalluunniit.

Imm. 3. Sulinngiffeqarsinnaatitaaneq unitsinneqartutut isigineqarneq ajorpoq, angajoqqaatut sulinngiffeqarsinnaatitaanermi sapaatit akunnerini kingullerni sisamani sulinngiffeqartup § 13-imi allassimasut malillugit sulisitsisuni isumaqtigeriarlugu ilaannakortumik tamakkiisumilluunniit sulinerminik aallartitsisimappat.

Akissut: Ilaannakortumik ilanngunneqarsimapput. Imm. 3-mi ilanngussisoqarsimavoq tassanilu ima allaqqasoqarpoq:

” Imm. 3. Sulinngiffeqarsinnaatitaaneq unitsinneqartutut isigineqarneq ajorpoq, sulineq § 13-imi allassimasut malillugit ilaannakortumik tamakkiisumilluunniit aallartissimappagu.”

7. Kommuneqarfik Sermersooq

Tusarniaanermit akissuteqaat – Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaattut siunnersuut

Ataatsimut oqaaseqaatit

Kommuneqarfik Sermersuuminngaanniit tusarniaanermut akissuteqarsinnaatitaanitsinnut qujavugut. Kommuniminngaanniit naartunermi, erninermi meeravissiartaarnermilu tamanut sulinngiffeqarsinnaatitaaneq pitsaanerusoq ullutsinnullu naapertuunnerusoq ilalerneqarpoq.

Namminersorlutik Oqartussat ”Inatsisissamut siunnersuummut oqaaseqaatai”

Inatsisissatut siunnersuummut oqaaseqaatinik allattorsimaffik oqaatsitigut kukkunernik ulikkaarpoq. Taamaattumik kommuniminngaanniit oqaaseqaatit kukkunersiorluqquneqarput.

§ 24-mut tunngatillugu oqaaseqaatini kukkusumik allassimavoq kommunabestyrelsemi ilaasortat naartunermut, erninermut meeravissiartaarnermillu atatillugu sulinngiffeqarneranni erninermusianik tunniussisoqarsinnaanngitsoq. Tamanna kukkusumik ilanngunneqarsimagunarpoq, takuuk Kommunit aqutsinerat pillugu ianstimmii § 56-imi imm. 8. Tassanimi ersarissumik allassimavoq communalbestyrelsemi ilaasortat naartunerminnut, erninerminnut meeravissiartaarnerminnillu atatillugu sulinngiffeqarnertik aningaasarsiatigut annaasaqarfigissanngikkaat.

Akissut: Ilanngunneqarpoq.

§ 24-mut tunnatillugu oqaaseqaatini aaqqiisoqarpoq, massakkullu allaqqalerpoq kommunabestyrelsemi ilaasortat naartunerminni, erninerminni meeravissiartaarnerminnillu sulinngiffeqarnerat aningaasarsiatigut annaasaqataassanngitsoq.

Aalajangersakkanut ataasiakkaanut oqaaseqaatit

Aalajangersakkamik ilanngussineq.

Ingerlatsivimminngaanniit kissaatigineqarpoq erseqqissumik allanneqassasoq assersuutigalugu eninermusiassanik naatsorsuisoqarnissaanut/tunniussisoqarnissaanut kiisalu ajunngitsunik tunniussisoqarnissaanut marloriaammillu aningaasarsisitsisoqannginnissaa anguniarlugu kommuniminngaanniit oqartussaqarfinnut allanut - tassunga ilanngullugu erninermusianut aningaasaateqarfik kiisalu sulisitsisorisat namminersortut – paasissutissanik naapertuuttunik piniartoqarsinnaanera.”

Akissut: Ilaannakortumik ilanngunneqarpoq.

Tunngavilersuutaasinnaasoq tulliuttoq ilanngunneqarpoq, erninermusialik erninermusiaqarnissaminut pisinnaatitaaffeqanngitsutut nalilorsorneqarpat kommunalbestyrelseminngaanniit oqartussaqarfittit allat paasissutissanik aallerfigineqarsinnaapput.

Kommuniminngaanniit sulisitsorisimasat namminersortut kiisalu erninermusianut aningaasaateqarfik paasissutissanik aallerfigineqarsinnaasunngorlugu allanneqarsimanngilaq.

Tassunga maluginiarneqaqquneqarpoq erninermusianut aningaasaateqarfik tamanut ammasutut oqartussaqarfittut aaqqinneqarnavianngimmat. Erninermusianut aningaasaateqarfimminngaanniit taamaallaat sulisitsisut aningaasanik utertitsiffiqeqarnissaat suliarineqartassaaq. Taamaasilluni akissarsiallit erninermusianullu aningaasaateqarfiusp akonanni isumaqatigiissusiortoqarnaviarani.

§ 15, nr. 3

- Allattoqarsimavoq ” arlaatigut immikkuullarissumik pisoqartillugu”. Suunukua immikkuullarissut pineqartut?
- Oqaaseqaatini imaluunniit ilitsersuutaasussami assersuusiorsinnaagussi pitsaassaqaaq.

Akissut: Oqaaseqaatit tusaatissatut tiguneqarput. Ilitsersuusiorqarnerani ersarinnerusumik nassuaassissumvik suliaqartoqarumaarpoq.

§ 25, imm. 1.

- Oqaaseqaat oqaatsinut attuumassuteqartoq; oqaaseq ”skal” ilanngunneqassaaq: ”Den udbetalte løn, jf. § 24, skal som minimum udgøre...

Akissut: Ilanngunneqarpoq.

§ 47

- Oqaaseqaat oqaatsinut attuumassuteqartoq: Aalajangersagaq pisariaqanngitsumik paasiuminaassarneqarsimavoq.
- Siunnersuut:
 - Oqaaseq sulinngiffeqartoq atorneqarsinnaavoq ”erninermusiaqarnissamik qinnuteqartoq” atoqinagu, soorlu § 46 allassimasoq, taamaasilluni oqaatsinik atuineq oqinnerulissaq, assigiinnerulissaat,

Akissut: Ilanngunneqanngilaq. "Sulinngiffeqartoq"-lli atorneqanngilaq, tassami erninermusiat taamaallaat tunniunneqarsinnaammata inatsisit malillugit sulinngiffeqartumut.

8. PPK/ Ernisussiorut Kattuffiat

Tulliuttoq pillugu tusarniaasoqaqqinneranut "Unga siunnersuut: Naartunermi, erninermi meeravissiartaarnermilu sulinngiffeqarneq pillugu Inatsisartut inatsisaat nr. xx, xx. xxx 2019-imeersoq" akissuteqaatit

Ermisussiorut Kattuffianniit ilassutitut oqaaseqaatit.

§ 3 anaanaasup erninissamut naatsorsuutigisaasumt sapaatit akunneri 6-8 sioqqullugit sulinngiffeqarsinnaatitaanera aallartissinnaasariaqaraluarpoq. EK-minngaanniiit misilittakkaat aallaavigalugit naartusut naartunermi artorsaateqartartaqaat, tassungalu atatillugu sulisitsisut naartusup pisariaqartitai aallaavigaugit suliassat nalimmassarneqarsinnaanerat ajornakusoortarpoq. Misilittakkagut aallaavigalugit naartusut napparsimasutut nalunaarutigisariaqartarsimavagut, manngertitsivallaarnitik peqqutigalugit sulisinnajunnaartaramik tamannalu ernisussiorumut siusinaarluni ernisinnaanermut ernumasitsisarsimavoq, naartusullu aava qaffasisumik inissisimalertarluni assigisaalu. Tamanna uippakajaartitsisinnaasarpoq, tamannalu naartusumut meeqqamatllu peqqinnangilaq. Naartunermittaaq allanngorujussuartoqartarpoq, tassami naartusup inuunera allanngortariaqartarpoq il.il, tamannalu peqqutaalluni naartusoq pisinnaatitaaffeqarsinnaasariaqaraluarpoq "akissarsiatigut ilanngaassiffigineqanngikkaluarluni erninissaminut piareersarnissaa, tarnikkut angajoqqaanngornissaminut piareersarnissaa kiisalu MANU-mi angajoqqaanngornissamut piareersaasitsisunut peqataasinnaanissaa.

Akissut: Ilanngunneqanngilaq.

Inatsisartut 2018-imni ukiaanerani ataatsimiinnerminni aalahangerpaat angajoqqaat sulinngiffeqarsinnaanerat sapaatit akunnerinik sisamanik sivitsorneqarnissaa kiisalu 2019-imni upernaakkut ataatsimiinnermi erninissaq sioqqullugu sulinngiffeqarsinnaatitaanerup sapaatit akunnerinik marlunnik ilaneqarnissaa.

Taamaasilluni sulinngiffeqarsinnaatitaanerup sivitsporneqarnera polutikkitigut aalajangiussaapput, allannguutillu taakkua marluk aningaasalerneqarsimallutik.

Angajoqqaanngornissamut piareersaatinut tunngatillugu oqaaseqaatit suliap ingerlateqqinnissaanut eqqarsaatigineqarumaarput.

Naatsorsuutigineqarporli angajoqqaanngornissamut piareersartoqarnissaanut atatillugu sulinngiffeqarnissamut attuumassuteqartoq akissarsiallip sulisitsisullu akornanni isumaqatigiissutigineqarumaartoq, soorlu aamma naartunermi misissortinnerit assigissaallu pillugit sulinngiffeqarneq taamaattoq.

§ 3 Ataataasup anaanaaqataasulluunniit atasuinnarmik sapaatit akunneri pingasut sulinngiffeqarsinnaatitaanera eqaannerusumik aaqqiivigineqartariaqaraluarpoq, tassami ilaqtariit namminneq aalajangersinnaasariaqarpaat sulinngiffeqarneq atorusunnerlugu imaluunniit pisariaqartitat aallaavigalugit sapaatit akunneri aggulunneqarsinnaasariaqaraluarlutik.

Akissut:

Ataataasup anaanaaqataasulluunniit § 7 aallaavigalugu sulinngiffeqarsinnaatitaanera eqaatsumik aaqqiivigineqarsimavoq, taamaasillunilu ataataasup anaanaaqataasulluunniit sapaatit akunneri pingasut sulinngiffeqarsinnaatitaanini meeqqap inunngorneraniit sapaatit akunnerini siullerni 15-ini atorsunnaallugu. Angajoqqaat namminneerlutik aalajangissavaat qaqugukkut ataataasup anaanaaqataasulluunniit sapaatit akunneri pingasut sulinngiffeqarsinnaatitaanini atorniarnerlugu.

Siunnersuummi angajoqqaat periarfissinneqarsimapput angajoqqaat sulinngiffeqarsinnaatitaaffianni sapaatit akunneri sisamat kingulliit eqaatsumik aaqqiivigineqarsinnaanerininik, tassami namminneq aalajangersinnaavaat piffissaq siammasinnerulersissanerlugu, kinguartissanerlugu imaluunniit sapaatit akunneri kingulliit piffissami allami atussanerlugin. Tamannali anaanaasumut ataataasumulluunniit sulinngiffingineqarsinnaasutut immikkoortitani atorneqarsinnaanngilaq. Oqaaseqaatigineqartut inatsisip atuutsikkiartuaarneqarnissaanut suliaqartoqarnerani eqqarsaatigineqarumaarput.

§ 11 Angajoqqaarsiat meeqqamik tigusinerminnut atatillugu sulinngiffeqarsinnaatitaasariaqarluarput. Tamanna kommunit aningaasaliinerinut attuumassuteqartariaqanngikkaluarpoq. Sulinngiffeqarsinnaatitaaneq meeqqap ukiui aallaavigalugit inissinneqartariaqarpoq. Taamaasiornikkut meeqqap isumaginnitsiminut qanillinissaa qulakkeerneqassagaluaromat, soorlu meeqqat inooraallu allat taamaattut. Meeqqat angerlarsimaffimmut nutaamut nuunnerminni illersorneqartariaqarlutillu toqqissimatinneqartariaqarput. Meeqqap pisariaqartitaat aallaavigalugit angajoqqaarsiat sulinngiffeqarsinnaatitaasariaqarluarput, assersuutigalugu angajoqqaarsiat inooraamik meerarsiartaarnerminnut atatillugu erminermut atatillugu sulinngiffeqartarnerup assinganik – 15/3 – sulinngiffeqarsinnaatitaasariaqarput soorlu aamma angajoqqaatut sulinngiffeqarsinnaatitaanerat sapaatit akunnerinik 21-nik ilassuserneqarsinnaassasoq.

Akissut: Ilanngunneqanngilaq.

Meeqqat angerlarsimaffimmut allanut inissinneqartarnerinut tunngassuteqartut ullumikkut Meeqqamik paarisassamik inissiinermi sulinngiffeqartarneq pillugu Namminersorlutik Oqartussat nalunaarutaat nr. 3,26. februar 2010 -imeersoq aallaavigalugu aalajangersarneqarsimavoq. Nalunaarummi periarfissaavoq sulinngiffeqarnissamut pisariaqartitsineq nalilersorneqalertillugu meeqqap ukiui kisiisa isiginiarlagit meeqqap pisariaqartitaa aamma isiginiarneqassasoq.

Nalunaarut nutarterneqartussaavoq, kisiannili annertuumik allannguisoqarnissaa siunertaanngilaq.

§ 19 Meeqqap napparsimavimmi uninnganeranut atatillugu ataataasup anaanaaqataasullu sulinngiffeqarsinnaatitaanerminnik sivitsuisinnaanissaat periarfissaasariaqarluarpoq.

Akissut: Oqaaseqaatit tusaatissatut tiguneqarput, allannguutaanavianngillalli.

§ 19 - § 19-imut § 13-imullu atatillugu angajoqqaat sulinngiffeqarsinnaanerat eqaatsumik aaqqissuussaq paasiuminaatsinneqarpoq. § 13-imi allassimavoq sulinngiffeqarsinnaatitaanermi sapaatit akunneri sisamat kingulliit sulisinnaaneq aallartinneqarsinnaasoq meeqqap 5-nik ukioqalernissaa tikillugu. § 19-imili allassimavoq,

sulinngiffeqarsinnaatitaanermi piffissaq kingulleq annaaneqartartoq angajoqqaajusut arlaasa sulinngiffeqarnertik unitsippagu – arlaannaatalu sulinngiffeqarneq nanginnagu.

*Akissut: § 19-immi imm. 3-miki lanngussisoqarsimavoq tassanilu ima allassimavoq:
” Imm. 3. Sulinngiffeqarsinnaatitaaneq unitsinneqartutut isigineqarneq ajorpoq, sulineq § 13-immi allassimasut malillugit ilaannakortumik tamakkiisumilluunniit aallartissimappagu.”*

§ 35 Eqqarsaatigineqarsinnaanngila siulersuisuni ilaasortat siulersuisut ataatsimiinnissaannut skykekut allatigulluunniit peqataatinneqarsinnaanerat?

Akissut: Ilumut. Erninermusianut aningaasaateqarfiup aningaasartuutai minnerpaaffimmisiinniarneqartussaapput.

§42 Imm. 3 erninermusiaqarnerup nalaani feeriarnermusiassanik katersisoqarsinnaasariaqarluarpoq

Akissut: Oqaaseqaatit tusaatissatut tiguneqarput, allannguisitsinaviarnatilli.

§ 46 oqaaseqaammut siullermut attuumassuteqarpoq, naapertuuttuusorineqanngilaq erninermusiaqarnerup nalaani feeriarnermusiassanik katersisoqarsinnaanngilaq, tassami piffissami erninermusiaqartoqarnerata nalaani feeriarnermusisoqartillugu erninermusisoqaqquaanngimmat. Tassa imaappoq ilaqtariit nukangasunik meerartallit feeriarfisanik pisariaqartitseqqisut (ilaqtariitsut ataatsimoornissamut kisiannili aamma akissarsiassaqartitaanani napparsimasoornissamut atugassat) ukiup tulliani feeriarsinnaanaviangillat imaluunniit akissarsiqaatiginagu meeqqamik napparsimasoorsinnaanissamut aningaasatigut toqqortuisoqarsinnaanngilaq.

Akissut: Erninermusiaqarsinnaatitaaneq isertitassaraluanik annaasaqarnermut attuumassuteqarpoq. Sulinngiffeqartoq sulinngiffeqarnini tamakkerlugu akissarsiassaqarsinnaatitaavoq arlaatigulluunniit ullormusiaqarsinnaatitaanngiffimi aaqqiiffingineqarsinnaatitaalluni.

Maluginiarneqaqquneqarporli, feeriarnermut inatsisit malillugit erninermut atatillugu sulinngiffeqarneq sulinertut isigineqartarami feeriarnissamillu katerfissiusarluni. Tassa imaappoq akissarsialik sulinngiffeqarnermini ullunik feeriarfisanik katersisinnasoq.

Akissarsialik sulinngiffeqarnermini feeriarsinnaanngilaq, taamaasilluni sulinngiffeqartup suliffimmini suliinnassaguni feeriarfissaagaluanu ukiup tullianut nuussinnaallugu.

Ilitsersuummi uani pineqartut sukumiinerusumik ersarissarneqarumaarput.

9. Sulisitsisut

Ataatsimut isigalugu Sulisitsisuninngaanniit siunnersuut ilalerneqarpoq. Sulisitsisuninngaanniit tulliuttut kisiisa oqaassisqafigaagut:

§ 19 pillugu

Sulisitsisut naliliinerat aallavigalugu aalajangersagaq ersarissarneqartariaqarpoq, ilaannakortumik atuartitsinerni peqataaneq isumaqassanngilaq sulinngifeqarnermik unitsitsineq, soorlu tamanna aamma oqaaseqaatini ilangunneqarsimasoq. Maannakkumut nassuiaatit aallaavigalugit nalunaarutini aalajangersaasoqartussaavoq

Akissut: Oqaaseqaatit tusaatissatut tiguneqarput, allannguisitsinaviarnatilli.

Sulinngiffeqarnerup unitsinneqarneranut tunngatillugu allannguisoqarnissaa siunertaannngilaq. Naalakkersuisoqarfimmiut isumaqarput oqaaseqaatini assersuutaasut allassimasunik paasinnittariaatsinut attuumassuteqaannarput, taakkualu inatsimmut nalunaaruttitut isigineqariaqaratik.

§ 24-imi imm.3 pillugu

Sulisitsisut aalajangersakkami atuaanermanni paasivaat aalajangersakkami allanneqarsimasoq, sulisimanermi akunnerit naatsorsorniarneqarnerani sulinngiffiit (1-miit 6-imut) peqqutaasut naatsorsuinermi ilangunneqassanngitsut. Una pineqarunaruaroq akunnerit taakkunani pineqartut naatsorsuinermi ilangunneqassasut. Oqaaseqaatinili ersarissumik allanneqarsimavoq taakkua ilangunneqassanngitsut.

Sulisitsisuninngaanniit innersuussutigineqarpoq imm.3-mi allaarniutaasoq allatut allanneqartariaqartoq.”

Akissut: Ilangunneqarpoq.

Aalajangersakkat ersarissarneqarput ”Naatsorsuinermi imm.2-mi allassimasut peqqutaallutik sulinngitsoornerit isiginiarneqassanngillat” tulliuttumik taarserneqarsimavoq ”Imm. 2-mi naatsorsuinerni sulinngiffiusimasut tulliuttunik peqqutillit ilanngaassissutaassanngillat:”

§ 27 pillugu

§ 27 pillugu oqaaseqaatit aallartinnerini allaqqanngilaq akissarsiallit kapitali 1-imi allassimasut malillugit sulinnginnerminut atatillugu aningaasanik utertitsiffigineqarsinnaasut. Sulisitsisut namminersortut isumaqatigiissutit malillugit sulisutik erninerminnut atatillugit sulinngiffeqarnerisa nalaanni akissarsitittussaavaat, taakkuuppullu namminersortut erninermusianut aningasaateqarfianniit utertitsiffigineqarsinnaasut.

Akissut: § 27 pillugu oqaaseqaatit allatut allaqqalerput, maannakkullu ersarinnerulerluni sulisitsisut namminersortut sulinngiffeqartoqarnerani akissarsisitsisartut utertitsiffigineqarsinnaasut, tamannalu pissaaq akissarsiaqartoq isumaqatigiissutinut attuumassuteqanngikkaluarpaalluunniit.

Aammattaaq ersarissarneqarsimavoq inatsisini allassimasut avataatigut akissarsiaqarani sulinngiffeqartoqartillugu akissarsitsitsinerit utertitsissutaasinnaanngitsut. Tamaaliortoqarneranullu peqqutaavoq siunnersuummi sulisitsisut piffissani taakkunani akissarsisitsinissaannut pisussaaffilerneqassanngimmata.

Assersuutigalugu kapitali 5-imi allassimasut malillugit naartusoq naartunerlunnerminut atatillugu sulinngiffeqarsimaguni, sulisitsisoq pisussaaffeqanngilaq akissarsisitsissalluni.

Sulisitsisoq isumaqatigiissutit malillugit sulisuminut akissarsisitsisoq, allatigut sulinngiffeqartoqarnerani aningaasartuutiminut utertitsiffigineqarsinnaanngilaq.

Akissarsiatut taasanik ersarissaanermi allanneqarsimavoq inatsisartut inatsisaat malillugu akissarsiat tassaasut aningaasarsiat A-t B-llu, taakkualu tassaasut akissarsiallip sulinerminut atatillugu ersitatai.

Paasiuminaappoq sulisitsisoq aningaasarnianut B-usunut soorlu akeqanngitsumik oqarasuaateqartitsinerminut, biileqartitsinerminullu utertitsiffigineqarsinnaasoq.

Tunngaviusumik akissarsiatut taaneqartariaqartut tassaapput tunngaviusumik akissarsiat, inuttut ilassutit aammalu sulisitsisup utoqqalinermusiassanut akiliutai imaluunniit akkortikkat/tunisinermit akissarsiassat.

Sulisitsisoq maannakkumut inatsisaasut malillugit sulisitani oqartussaqarfinniilluunniit ullormusiaqartinneqaraluarpat feeriarnermusiassaanik tunniussisussaatitaavoq. Taakkualu utertitsisoqarnissaanut ilanngunneqartariaqarunananngillat.

Akissut: Ilanngunneqarpoq.

*Aningaasarsiassanut aningaasartuutit pillugit ima allassimasoqalerpoq
"Aningaasarsiassanut aningaasartuutit tassaapput tunngaviusumik akissariat, inuttut ilassutit, sulisitsisup utoqqalinermusiassanut akiliutaa,akkordikkat tunisinermillu akissarsiassat."*

§ 34 pillugu

Eqqarsaatigineqartariaqarpoq aalajangersakkami imaluunniit oqaaseqaatini minnerpaamik allassallugu, siulersuisut piffissap ilaani alattoqarfik namminersorlutik oqartussanut nuutsissinnaagaat.

Akissut: Ilanngunneqanngilaq

Maannakkumut allassimasut aallaavigalugit allaqqanngilaq siulersuisut Namminersorlutillu Oqartussat isumaqatigiissinnaasut piffissap ilaa Namminersorlutik Oqartussaqarfik siulersuisunut alattoqarfitsigut sullissisoqarsinnaanera pisinnaanngitsoq.